

Ekonomski fakultet

Broj: 01-03-3153-R-2-64/ 2023

Sarajevo, 27. 06. 2024. god.

Na osnovu člana 64. stav 1. tačka b), „Najniža cijena“, člana 70. stavovi 1., 3. i 6. Zakona o javnim nabavkama („Sl. glasnik BiH“ br. 39/14 i 59/22), člana 216 stav 1. Zakona o upravnom postupku („Sl. novine F BiH“, broj: 2/98; 48/99 i 61/22) i člana 115. Statuta Univerziteta u Sarajevu, rješavajući po Rješenju Ureda za razmatranje žalbi broj: JN2-01-07-1-1289-10/24 od 23. 05. 2024. godine, a koje je kod ugovornog organa zaprimljeno dana 31. 05. 2024. godine i protoroilisano pod brojem 01-3-3153-R-2-58/2023, na preporuku Komisije za javnu nabavku po Zapisniku broj: 01-03-3153-R-2-64/2023 od 27. 06. 2024. godine u postupku nabavke izvođenja Građevinsko-zanatskih radova – LOT 1, v.d. dekanesa Fakulteta donijela je

ODLUKU

o izboru najpovoljnijeg ponuđača u postupku javne nabavke za “Izvođenje građevinskih radova na implementaciji mjera energetske efikasnosti na objektu Ekonomskog fakulteta Univerziteta u Sarajevu – LOT 1: Građevinsko – zanatski radovi

Član 1.

Univerzitet u Sarajevu – Ekonomski fakultet (u daljem tekstu: Ekonomski fakultet), Ugovor za izvođenje građevinsko - zanatskih radova – LOT 1., dodjeljuje ponuđaču „UNIGRADNJA“ d.d. Sarajevo, ul. Rajlovačka cesta br. bb, prema ponudi od 29. 11. 2023. godine.

Član 2.

Ponuda ponuđača iz člana 1. ove odluke, iznosi: **1.609.343,63 KM (slovima: milionšeststotinadevethiljadatristotinečtrdesetšest i 63/100 KM) bez PDV-a, odnosno 1.882.935,56 KM (slovima: milionosamstotinaosamdesetdvijehiljaddevetstotinatridesetpet i 56/100 KM) sa PDV-om.**

Član 3.

Univerzitet u Sarajevu – Ekonomski fakultet će, po sticanju uslova za zaključenje Ugovora na temelju Zakona o javnim nabavkama, sa izabranim ponuđačem iz člana 1. ove odluke, zaključiti Ugovor o izvođenju Građevinsko – zanatskih radova – LOT 1, za čije izvršenje se zadužuje Služba za pravne i personalne poslove.

Član 4.

Za realizaciju ove odluke, zadužuje se Služba za ekonomsko-finansijske poslove Univerziteta u Sarajevu – Ekonomskog fakulteta.

Član 5.

Ova Odluka objavit će se na web stranici Fakulteta (www.efsa.unsa.ba/javnenabavke), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH“, broj: 39/14 i 59/22).

Trg oslobođenja – Alija Izetbegović 1, 71000 Sarajevo, Bosna i Hercegovina, Tel: +387 33 275 900, Fax: +387 33 275 963

ID 4200494560236; PDV 200494560007

www.efsa.unsa.ba



EFMD BACHELOR



Ekonomski fakultet

Obrazloženje

Ugovorni organ Univerzitet u Sarajevu – Ekonomski fakultet je dana 25. 04. 2024. godine zaprimio Žalbu ponuđača „UNIGRADNJA“ d.d. Sarajevo, ul. Rajlovačka cesta bb, Sarajevo, zastupan po punomoćniku – advokatu Šušić Zijadu, iz Sarajeva, ul. Maršala Tita br. 54, 71000 Sarajevo koja je protokolisana pod brojem 01-3-3153-R-2-52/2023, na Odluku o izboru najpovoljnijeg ponuđača broj: 01-3-3153-R-2-50/2023 od 16. 04. 2024. godine, te putem meila dana 25. 04. 2024. godine obavijestio ponuđača „GTR“ d.o.o. Mostar, ul. Bišće polje br. bb, 88000 Mostar svojim dopisom broj 01-03-3153-R-2-54/2023 o prijemu iste.

Na osnovu navedene Žalbe, ugovorni organ je Uredu za razmatranje žalbi uputio Žalbu navedenog ponuđača sa Izjašnjenjem broj: 01-03-3153-R-2-55/2023 od 25. 04. 2024. godine koje je kod Ureda za razmatranje žalbi zaprimljeno dana 30. 04. 2024. godine.

Dana 07. 05. 2024. godine, Ured za razmatranje žalbi, svojim dopisom broj: JN2-01-07-1-1289-5/24 od 30. 03. 2024. godine od Ugovornog organa zahtijevao je dopunu dokumenacije, koju je ugovorni organ uz dopis broj: 01-03-3153-R-2-57/2023 od 08. 05. 2024. godine uredno dostavio i ista zaprimljena u Uredu za razmatranje žalbi dana 08. 05. 2024. godine.

Na osnovu navedenog Izjašnjenja ugovornog organa, dana 31. 05. 2024. godine dostavljeno je Rješenje Ureda za razmatranje žalbi broj: JN2-01-07-1-1289-10/24 od 23. 05. 2024. godine, a koje je kod ugovornog organa zavedeno pod brojem 01-03-3153-R-2-58/2023, kojim se usvaja žalba „UNIGRADNJA“ d.d. Sarajevo i poništava Odluka broj 01-03-3153-R-2-50/23 od 16. 04. 2024. godine, te predmet vraća ugovornom organu na ponovni postupak.

U skladu sa Rješenjem iz prethodnog stava, Komisija ugovornog organa dana 10. 06. 2024. godine razmatrala je Rješenje Ureda za razmatranje žalbi i jednoglasno predložila, obzirom na navode iz Rješenja da se ponuđaču „UNIGRADNJA“ d.d. Sarajevo uputi dopis za dostavu saglasnosti za produženje perioda važenja ponude i garancije za ozbiljnost ponude, obzirom da je period važenja ponude istekao, kao i period važenja Garancije za ozbiljnost ponude.

Na osnovu dostavljenih dokumenata, Komisija ugovornog organa održala je sastanak dana 27. 06. 2024. godine kojom predlaže Dekanesi Fakulteta da donese Odluku o izboru najpovoljnijeg ponuđača i dodjeli Ugovora za izvođenje građevinsko - zanatskih radova – LOT 1 za potrebe Ekonomskog fakulteta Univerziteta u Sarajevu ponuđaču „UNIGRADNJA“ d.d. Sarajevo, ul. Rajlovačka cesta br. bb, 71000 Sarajevo iz razloga što je Ured za razmatranje žalbi u svom Rješenju, a na osnovu Izjašnjenja Ugovornog organa po žalbi navedenog ponuđača konstatovao da su navodi žalioaca osnovani jer ponuđač „GTR“ d.o.o. Mostar nije postupio u skladu sa zahtjevom iz Tenderske dokumentacije, odnosno izabrani ponuđač nije dokazao da predloženo lice ima položen stručni ispit za obavljanje poslova radnika za zaštitu na radu, niti da je istog oslobođen, te je njegova ponuda neprihvatljiva i ne može biti predmet daljnjeg vrednovanja.


Trg oslobođenja – Alija Izetbegović 1, 71000 Sarajevo, Bosna i Hercegovina, Tel: +387 33 275 900, Fax: +387 33 275 963

ID 4200494560236: PDV 200494560007

www.efsa.unsa.ba



EFMD BACHELOR



Ekonomski fakultet

Na osnovu izloženog, v.d. dekanesa donijela je Odluku kao u dispozitivu.

Pouka o pravnom lijeku:

Protiv ove Odluke može se u pisanoj formi uložiti žalba Univerzitetu u Sarajevu – Ekonomskom fakultetu u roku od 10 dana od dana prijema ove odluke.



V.D. DEKANESA

Prof. dr. Meliha Bašić

Akt pripremila: Mevlida Pljevljak, samostalni referent za pravne poslove i javne nabavke *M. Pljevljak*

Akt kontrolisala: Amina Zubčević Krešić, šef Službe za pravne i personalne poslove *A. Krešić*

S aktom saglasan: Prof. dr. Lejla Demirović, prodekan za finansije *L. Demirović*

Sekretar organizacione jedinice Univerzitet u Sarajevu – Ekonomski fakultet, Senada Laličić, dipl. iur., potvrđuje, da je Odluka br. 01-03-3153-R-2-64/ 2023 od 27. 06. 2024. godine u skladu sa zakonskim i podzakonskim propisima koji su na snazi, te da je v.d. dekanesa Univerziteta u Sarajevu – Ekonomski fakultet nadležna za donošenje iste shodno članu 71. Zakona o visokom obrazovanju ("Službene novine Kantona Sarajevo", broj 36/22) i članu 115. Statuta Univerziteta u Sarajevu. *S. Laličić*

Dostavljeno:

1. Ponuđačima
2. Služba za pravne i personalne poslove
3. Služba za ekonomsko-finansijske poslove
4. Web stranica ugovornog organa
5. A/a